



იმისთანა წმინდა საძმომი, ბოგბინდ ბუქ-
უჭის სიფყვას, ცუდილებით და ჭებობით ბუბ-
თის გაფანა ყულა უჯადისთბაგ უსაბაგოლსია.

გამოდის 1918 წლის
25 ივლისიდან

რესპუბლიკა

სამშაბათი, 25 დეკემბერი. 2018 წ. №262 (8663)

ელ.ფოსტა: sakresp@mail.ru და sakresp@top.ge

ფასი 60 თეთრი

ანანიაშვილი- ვაშაძის ქართული ბალეტის მიტაცების და ხელში ჩაგდებას სქემა



საბუნდარი

ფაქტები მხოლოდ ახლა ამოვივხივდა!

საქართველოს ოპერისა და ბალეტის თეატრის ყოფილი სოლისტი, ქორეოგრაფი, ქორეოგრაფიული სასწავლებლის დირექტორი თამაზ ვაშაკიძე ნინო ანანიაშვილისა და გრიგოლ ვაშაძის მიერ ბალეტის მიტაცებისა და ხელში ჩაგდებას სქემაზე სკანდალურ ინფორმაციას ასაჯაროებს.

როგორც ვაშაკიძემ „რეპორტიორთან“ საუბარში განაცხადა, უკვე 13 წელია, რაც დევნილია და აღნიშნა, რომ ეს „ანანიაშვილი-ვაშაძის დამსახურებაა“.

„2004 წელს მიხეილ სააკაშვილის მონვევით საქართველოში ჩამოვიდა ნინო ანანიაშვილი და მისი მეუღლე, რომელთა ინტერესი საქართველოში საბალეტო სამყარო აღმოჩნდა – მიეთვისებინათ და ემართათ ყველაფერი.“

მე წასვლა მომთხოვეს. როცა უარი ვთქვი და განცხადებით არ წავედი, დაიწყო ჩემი დევნა.

დირექტორის თანამდებობა დაიკავა გრიგოლ ვაშაძის ძმისშვილმა ზვიად ბაქრაძემ, რომელიც ადრე ბავშვთა კოლონიის ხელმძღვანელი იყო, სამხატვრო ხელმძღვანელის თანამდებობა კი დაიკავა ნინო ანანიაშვილმა. აღმოჩნდა, რომ პირდაპირი შეკვეთა იყო მიზა სააკაშვილის, ანანიაშვილი ყოფილიყო ყველგან. ფაქტებიდან გამომდინარე, მიჩნდება მოსაზრება, რომ ჩემი მოშორება ქორეოგრაფიული სასწავლებლიდან და საერთოდ, ქართული ბალეტიდან, ნინო ანანიაშვილის ინტერესი იყო.

...2005 წლის 9 დეკემბრიდან გავხდი ძებნილი, იძულებული ვიყავი, დამეტოვებინა საქართველო, სადაც დარჩა ჩემი ოჯახი – მეუღლე

და სამი მცირეწლოვანი შვილი, 13 წელია, დავკარგე სამშობლოში შემოქმედებითი მოღვაწეობის საშუალება, 13 წელია, ჩემი ბავშვები უმამოდ იზრდებიან და ჩემი მეუღლე მართო უვლის შვილებს! მთელი ჩემი ცხოვრება შევწირე საქართველოს, ხელოვნებას და ერთ წამში გადაუსვენს ხაზი ყველაფერს“, – ამბობს თამაზ ვაშაკიძე.

როგორც ადვოკატმა დიმიტრი გაბუნიაშვილმა განმარტა, თამაზ ვაშაკიძის დაჭერა ნინო ანანიაშვილის ინტერესებში იყო.

„შემექმნა შთაბეჭდილება, რომ თამაზის დაჭერა პროკურატურის ინტერესებში არ იყო, ეს იყო სხვის ინტერესში. აჭერიდნენ ადამიანს. მე არ მინდა, რომ დავიჭირო, მაგრამ სხვა გზა არ მაქვს, ვუყენებ ამხელა გირაოს და ვაკეთებ ყველაფერს, მერე კი უკვე თვალს ვხუჭავ მის გაქცევაზე. პროკურატურამ თამაზს, პრაქტიკულად, მისცა საშუალება, საქართველო დაეტოვებინა, თორემ ინფორმაციას გადასცემდა საზღვარზე და თამაზი ვერანაირად ვერ დატოვებდა საქართველოს. პროკურატურა მიხვდა, რომ თამაზი არ იყო დამნაშავე, არ აწყობდა მისი დაჭერა და ინტერესები დააბალანსა. ქალბატონმა ანანიაშვილმა თავისას მიაღწია – ვაშაკიძე საქართველოდან წავიდა. ეს იყო ერთი პირის ინტერესი, თუმცა სახელმწიფო ბოროტად, ცუდად დაუდგა გვერდით ნინო ანანიაშვილს, არ დაუჭირა, მაგრამ საქართველოდან გააქცია. ეს შეიძლება შემამსუბუქებელი გარემოება იყოს პროკურატურისთვის“, – განაცხადა დიმიტრი გაბუნიაშვილმა.

ახალი პრეზიდენტის მრჩევლები

საქართველოს პრეზიდენტმა მრჩეველთა გუნდი წარადგინა. როგორც სალომე ზურაბიშვილმა გუშინ გამართულ ბრიფინგზე განაცხადა, ჯერჯერობით, მხოლოდ გუნდის წინილი ჰყავს დაკომპლექტებული.

„როგორც დაგპირდით, წარმოგიდგენთ ჩემი გუნდის წინილს, რომელიც დღეს ინიშნება, წარმოგიდგენთ მრჩეველთა გუნდს. ადმინისტრაციის უფროსად დაინიშნა ლაშა შვანია, ქეთევან მახარაშვილი იქნება ადმინისტრაციის უფროსის მოადგილე, მას დაევალება ეთნიკურ უმცირესობასთან და გენდერულ თანასწორობასთან დაკავშირებულ საკითხებში პრეზიდენტის საქმიანობის კოორდინაცია, დროებით, ასევე პრესსპიკერის ფუნქციებს შეითავსებს. დიმიტრი გაბუნია უკვე არის ჩვენი საპარლამენტო მდივანი. სიმონ პეტრედისი, – მრჩეველი შეზღუდული შესაძლებლობების მქონე პირების საკითხებში.“


როგორც ხედავთ, პრეზიდენტის სასახლე არ არის ბოლომდე ადაპტირებული, როგორც შშმ პირებისთვის არის საჭირო და ჩვენ ამ ცვლილებებს დაგინწყებთ პრეზიდენტის სასახლიდან. ასევე, ნათია სულავა – მრჩეველი დიასპორის, ასევე მოქალაქეობის საკითხებში, ალექსი ბარბაქაძე – სამხედრო საკითხებში მრჩეველი, ირინა შენგელია – საზოგადოებასთან და მედიასთან ურთიერთობების საკითხებში მრჩეველი, კოტე ნაცვლიშვილი – მრჩეველი კულტურის, განათლებისა და მეცნიერების საკითხებში. ეს არის დღევანდელი დღისთვის ჩვენი გუნდი“, – განაცხადა სალომე ზურაბიშვილმა.

მან ასევე წარადგინა სტაჟიორი პრეზიდენტის ადმინისტრაციაში პიერ ალექსანდრ კრევეუ, რომელიც, მისი თქმით, არის ქართველი, ცხოვრობდა ემიგრაციაში და სტაჟირების შემდეგ პრეზიდენტის გუნდის წევრი გახდება.



100 წლის გაზეთი თქვენს დახმარებას ელის!

ჩვენი ანგარიშია: №GE19TB76015360-2010009. (შპს „ახალი საუკუნე“).



„ჯაქებ ჭკუასა ბჩენთასა...“
ასე ამბობდა ანტონ ჩეხოვი
„ყველაფერი იციან და ყველაფერი
გაეგებათ მხოლოდ სულელებსა
და თაღლითებს“
ქართულად გადმოაწერა გურამ ბოგიაშვილმა

უნივერსიტეტის
მედიკოსთა
დიდებული
მეგობარა 5
აკაკი ურუშაძე – 100



დაასახელეს უზენაეს სასამართლოში ნარსაღბან მოსამართლეთა კანდიდატურები

იუსტიციის უმაღლესმა საბჭომ უზენაეს სასამართლოში წარსადგენ მოსამართლეთა 10 კანდიდატურა დაასახელა.

ესენი არიან: მარიამ ცისკაძე, ნინო ქადაგიძე, მიხეილ ჩინჩალაძე, პაატა სილაგაძე, დიმიტრი გვრიტიშვილი, მერაბ გაბინაშვილი, ნინო სანდოძე, თამარ ალანია, გიორგი ტყევაძე და გიორგი მიქაუტაძე.

აღნიშნულ კანდიდატებს საბჭო დასამტკიცებლად საქართველოს პარლამენტს წარუდგენს.

ცასკოს თავმჯდომარედ კვლავ თამარ ჟვანია აირჩიეს



თამარ ჟვანიამ კენჭისყრაში მონაწილე 9 წევრიდან 8 მათგანის მხარდაჭერა მიიღო.

რაც შეეხება ცესკოს თავმჯდომარეობის სხვა კანდიდატებს – ვლადიმერ ბოჭიაშვილს სმა კომისიის ერთმა წევრმა მისცა, მარიამ შელეგიას – არც ერთმა.

კენჭისყრაში მონაწილეობა „ნაციონალური მოძრაობისა“ და „ევროპული საქართველოს“ წევრებს არ მიუღიათ. კენჭისყრაში ასევე არ მონაწილეობდა თამარ ჟვანია.

ცნობისთვის, თამარ ჟვანია ცესკოს-ს მომდევნო 5 წლის განმავლობაში უხელმძღვანელებს.

ითხოვენ სასაქონლო საგამოძიებო ჯგუფის შექმნას

საქართველოს პირველი პრეზიდენტის ოჯახის ადვოკატი გამსახურდიას მკვლელობის საქმეზე სპეციალური საგამოძიებო ჯგუფის შექმნას მოითხოვს. მისი თქმით, საქმეს ზედამხედველი პროკურორი უნდა გაუძღვეს, რომელიც ოჯახის ნდობით აღჭურვილი პირი იქნება.

„ჩვენი მოთხოვნა ამ უნდობლობის პროცესში, რომელიც პროკურორის მიმართ გვაქვს, უკავშირდება სპეციალური საგამოძიებო ჯგუფის შექმნას. არა ერთი გამოძიებული და ერთი პროკურორი ბუნებრივია, ვერც შეძლებენ ამ საქმეზე, რომ მნიშვნელოვანი, ერთდროული საგამოძიებო მოქმედებები ჩაატარონ, რაც



აუცილებელია ასეთი ტიპის საქმეზე. ამიტომ უნდა შეიქმნას საგამოძიებო ჯგუფი, რომელიც დაკომპლექტდება სხვადასხვა სპეციალიზაციის მქონე გამოძიებლებით და ეყოლება ზედამხედველი პროკურორი და ეს ზედამხედველი პროკურორი უნდა იყოს ოჯახის მიერ ნდობით აღჭურვილი პირი“, – აცხადებს ამირან გუაშვილი.

კოკო გამსახურდია კლინიკაში გაღიჟინდა

საქართველოს პირველი პრეზიდენტის ზვიად გამსახურდიას შვილი კონსტანტინე გამსახურდია, რომელიც ძმასთან ერთად მთავარ პროკურატურასთან მე-11 დღეა, შიმშილობს, ალადაშვილის სახელობის კლინიკაში გადაიყვანეს. მას გამოკვლევები უტარდება. გამსახურდიას კლინიკაში გადაყვანა სასწრაფო სამედიცინო დახმარების ჯგუფმა გადაწყვიტა, რადგან მას თავბრუსხვევა აღენიშნებოდა.

პროკურატურასთან შიმშილობას განაგრძობს ცოტე გამსახურდია.

ცრუ ჩვენება და დანაშაულის შეუტყობინებლობა...

სახელმწიფო უსაფრთხოების სამსახურის ანტიკორუფციული სააგენტოს თანამშრომლებმა ჩატარებული



ოპერატიულ-სამძებრო და საგამოძიებო მოქმედებების შედეგად დანაშაულის შეუტყობინებლობისა და ცრუ ჩვენების მიცემის ფაქტებზე ზუგდიდის მუნიციპალიტეტის მერიის ეკონომიკური პოლიტიკისა და სერვისების მართვის სამსახურის უფროსი თენგიზ ქობალია და მოქალაქე სუტაბ. დააკავეს.

თენგიზ ქობალიამ ზუგდიდის მუნიციპალიტეტის მერის ლაშა გოგიას და ვიცე-მერის გია გულორდავას მიერ განსაკუთრებით მძიმე დანაშაულის ჩადენის ფაქტი შეიტყო და აღნიშნულს შესახებ სამართალდამცავ ორგანოებს არ შეატყობინა, ხოლო სუტაბ-მ იმისათვის, რომ არ ემხილებინა გია გულორდავა განსაკუთრებით მძიმე დანაშაულის ჩადენაში, გამოიძიებას განზრახ არასწორი ინფორმაცია მიანოდა.

ქუთაისში ბინა 52 ლევნილ ოჯახს გადაეცა

იძულებითი გადაადგილებულ პირებს ახალი ბინის გასაღებები საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრმა დავით სერგეევსკიმ და იმერეთის გუბერნატორმა შველევო ტაბატაძემ გადასცეს.

ამ ეტაპზე, ბინები იმ დევნილმა ოჯახებმა მიიღეს, რომლებიც სამხარაულის ექსპერტიზის ეროვნული ბიუროს დასკვნის თანახმად, ავარიულ შენობებში ცხოვრობდნენ. ჯამში, სიცოცხლისა და ჯანმრთელობისთვის საფრთხის შემცველი 4 ობიექტი დაიხურა.

ახალაშენებულ კორპუსში არსებული 52 ბინიდან 14 ერთთახიანია, 26 ორთახიანი, 12 კი სამოთახიანი. ქუთაისში, დევნილი ოჯახების განსახლების მიზნით, კიდევ 245 ბინა შესყიდული. გარდა ამისა, ქუთაისში, შერვაშიძის ქუჩაზე 480 იძულებით გადაადგილებული ოჯახისთვის 6 კორპუსის სამშენებლო სამუშაოები მიმდინარეობს. ჯამში, 2019 წელს, 725 ბინა გრძელვადიანი განსახლების კრიტერიუმების შესაბამისად განაწილდება. ასევე, განიხილება ნგრევადი ობიექტების დახურვის საკითხიც. განსახლების პროცესში პრიორიტეტი ვეტერანი დევნილების ოჯახებს მიენიჭებათ.

წყალტუბოში, უკვე დასრულდა ტენდერი და 420 დევნილი ოჯახისთვის 6 კორპუსის მშენებლობა დაიწყო. ამ ეტაპზე, კი 140-ბინიანი 2 კორპუსის მშენებლობა მიმდინარეობს. მშენებლობები დასრულების შემდგომ, წყალტუბოში ყველა ნგრევადი ობიექტი დაიხურება. 2013 წლიდან დღემდე, იმერეთის რეგიონში ახალაშენებულ და რეაბილიტირებულ კორპუსებში საცხოვრებელი ფართი, ჯამში, 1300-მდე დევნილი ოჯახს გადაეცა.



სვანეთში მთის კურორტების განვითარებისთვის...

ეკონომიკისა და მდგრადი განვითარების სამინისტროს „მთის კურორტების განვითარების კომპანია“ ადგილობრივ მოსახლეობაში, სათხილამურო სპორტის პოპულარიზაციის მიზნით, გასულ წელს სვანეთის სხუთ სოფელში: მაზერში, უშვანარში, ეცერში, უშგულსა და დაბა ლენტეხში მცირე ზომის საბაგროები ააშენა.



უშგულში, უშვანარსა და ეცერში არის თითო 200-მეტრიანი გერმანული წარმოების საბაგრო „მულტი სკი“, ხოლო ლენტეხსა და მაზერში თითო 200-მეტრიანი სლოვაკური წარმოების საბაგრო „ტატრა ლიფტი“.

„ჩვენთვის უმნიშვნელოვანესია ადგილობრივი ბავშვები დადგენ თხილამურზე, სწორედ ისინი მოუტანენ საქართველოს წარმატებას, სათხილამურო სპორტში. ამიტომ გადაწყვიტეთ 200 წყვილი თხილამური გადაგვეცა მუნიციპალიტეტისთვის, თითო სოფელს დაახლოებით 38 წყვილი შეგვდება. ეს არ არის ის მაქსიმუმი, რასაც ვაპირებთ სათხილამურო სპორტის პოპულარიზაციის მიზნით, გვაქვს უამრავი გეგმა რომელსაც ეტაპობრივად განვახორციელებთ“, – განაცხადა მთის კურორტების განვითარების კომპანიის ხელმძღვანელმა თაზო გამცემლიძემ.

ნარიჩხისფერი რთველი ღასკვნიტ ფაზაში შედის

24 დეკემბრის მონაცემებით, მანდარინის ექსპორტმა 23,720 ტონა შეადგინა. გასულ წელს, ამავე პერიოდში ექსპორტირებული 18,250 ტონა იყო.

წლებიდან მოსავალი ერთ-ერთი საუკეთესოა, რაც ექსპორტის მეტ შესაძლებლობას იძლევა. ძირითად საექსპორტო ქვეყნებად კვლავ რჩება რუსეთი (15,240 ტ) და უკრაინა (5,283 ტ), ასევე სომხეთი (2,578 ტ), ყაზახეთი (138), უზბეკეთი (261 ტ), ბელორუსია (120 ტ), ყირგიზეთი (60 ტ), ლატვია (40 ტ).

მანდარინზე საბითუმო ფასი 0.40-დან 0.70 ლარამდეა. ამასთან, აღსანიშნავია, რომ სამრეწველო გადაამუშავებისთვის, ქარხნების მიერ მიღებული არასტანდარტული მანდარინის რაოდენობამ, 1-23 დეკემბრის მდგომარეობით შეადგინა 6,822 ტონა. გასული წლის ანალოგიური პერიოდისათვის აღნიშნული მაჩვენებელი შეადგენდა 6,739 ტონას.

საახალწლო ბაზრობა „კოოპერატივი“

სასოფლო-სამეურნეო კოოპერატივების განვითარების სააგენტოს ორგანიზებით ბუკიას ბაღში საახალწლო ბაზრობა „კოოპერატივი“ მოეწყო.

სასოფლო-სამეურნეო კოოპერატივების წარმოებული პროდუქციის პოპულარიზაციისა და რეალიზაციის ხელშეწყობის მიზნით, გამართულ გამოფენა-გაყიდვაში მონაწილეობა საქართველოს სხვადასხვა რეგიონში მოქმედმა აგროპროდუქციის მწარმოებელმა 30-მდე სასოფლო-სამეურნეო კოოპერატივმა მიიღო.

„კოოპერატივზე“ წარმოდგენილი იყო სახელმწიფოს ხელშეწყობით შექმნილი სასოფლო-სამეურნეო კოოპერატივების მიერ წარმოებული პროდუქცია: თაფლი, ღვინო, ჩაი, ქართული ნუგბარი – ჩირი, ჩურჩხელა, ასევე ხილი და ყველი.

სასოფლო-სამეურნეო კოოპერატივების წარმოებული პროდუქციის გამოფენა-გაყიდვა საახალწლოდ უკვე მეორედ ჩატარდა.

დღეისათვის, საქართველოში სხვადასხვა დარგის 1000-ზე მეტი სასოფლო-სამეურნეო კოოპერატივია რეგისტრირებული.



8 უდიდესი სარეზიდენციო სახლს ბიძინა ივანიშვილისგან

რვა მასშტაბურ პროექტთან დაკავშირებით საქართველოს თანაინვესტირების ფონდი განცხადებას ავრცელებს. როგორც ფონდის მიერ გავრცელებულ განცხადებაშია ნათქვამი, პროექტების ინიციატორი და ინვესტორი ბიძინა ივანიშვილი მზად არის, პროექტების განვითარების ნებისმიერ ეტაპზე, მხოლოდ დანახარჯების ანაზღაურების, ყოველგვარი მოგებისა და კომერციული ინტერესის გარეშე ხსენებული პროექტები დაინტერესებულ ინვესტორებს გადასცეს იმ შემთხვევაში, თუ ეს პირობები დადგენილი პირობების ფარგლებში პროექტების წარმატებულ განხორციელებას შეძლებენ.

„თაბორის პროექტთან“ დაკავშირებით, ისეთი ინვესტორის გამოჩენის შემთხვევაში, რომელიც შეძლებს სავალდებულო პირობების ფარგლებში განცხადებული ან უკეთესი იდეის განვითარებას, თანაინვესტირების ფონდი მზად არის, იმავე პირობებით დაუთმოს მიმდინარე კვირაში საჯარო აუქციონით შეძენილი 29 ჰექტარი მიწის ნაკვეთი, ამასთან, მას საჩუქრად გადაეცემა მომიჯნავე ტერიტორიაზე განლაგებული კომპანია „ფინსერვისის“ კუთვნილებაში არსებული 10 ჰექტარი ნაკვეთი, რომელიც თავის დროზეც ინვესტორის მოთხოვნით მშენებლობის უფლების გარეშე იყო შეძენილი მწვანე საფარის დაცვის მიზნით და სახელმწიფო ბიუჯეტის მხარდასაჭერად. ბიძინა


ივანიშვილი ასევე მზად არის, განმუხურში, საჯარო, პირობიანი აუქციონით 2 266 500 ლარად შესყიდული 3 ჰა მიწის ნაკვეთი და ორ (2) მილიონ დოლარად შეფასებული სრული არქიტექტურული პროექტი საჩუქრად გადასცეს იმ ინვესტორს, ვინც აიღებს არსებული პროექტის განხორციელების ვალდებულებას. 8 მასშტაბური სასტუმრო კომპლექსის მშენებლობა არის უპრეცედენტო მოვლენა, რაც არათუ ერთ ცალკეულ ინვესტორს, არამედ 2012 წლამდე არსებულ არც ერთი ხელისუფლების პირობებში არ განხორციელებულა. განსაკუთრებულია ის სიახლეები და ექსკლუზივები, რომლებიც იქმნება ამ პროექტებით და რომელიც დედაქალაქისა და ქვეყნის ახალი სავიზიტო ბარათები გახდება. სწორედ ასეთი გამორჩეული შეთავაზებები, ახალი სივრცეები შექმნის უნიკალურ შესაძლებლობებს ტურისტული ნაკადების მოსაზიდად და ქვეყნის კონკურენტუნარიანობის გასაზრდელად საერთაშორისო მასშტაბით. წარმოდგენილი პოტენციური ინვესტორებისთვის შეთავაზებული რვა (8) პროექტის ჯამური საინვესტიციო მოცულობა 574 მლნ აშშ დოლარს შეადგენს, აქედან, დღეის მდგომარეობით პროექტებში უკვე ინვესტირებულია 216 მლნ ლარი. შთამბეჭდავია სხვა სოციალური სიკეთეები, რომლებიც პროექტების განხორციელების შედეგად იქმნება: მშენებლობების პროცესში ჯამურად დასაქ-

მდება 15 000 ადამიანზე მეტი, ხოლო კომპლექსების ამოქმედების შემდეგ პირდაპირ მუდმივად დასაქმდება დაახლოებით 2 500 ადამიანი.


პროექტების ჩამონათვალი:

1. სასტუმრო „შეკვეთილი“, ინვესტიციის მოცულობა 75 მილიონი აშშ დოლარი;
2. სასტუმრო ერეკლე II-ის მოედანზე, ინვესტიციის მოცულობა 9 მილიონი აშშ დოლარი, პროექტი დასრულდება 2017 წელს;
3. სასტუმრო ერეკლე II-ის მოედანზე, ინვესტიციის მოცულობა 40 მლნ აშშ დოლარი, პროექტი დასრულდება 2019 წელს;
4. სასტუმრო „თავისუფლების მოედანი“, ინვესტიციის მოცულობა 90 მილიონი აშშ დოლარი;
5. თაბორის პროექტი, ინვესტიციის მოცულობა 40 მილიონი აშშ დოლარი;
6. სასტუმრო „განმუხური“, ინვესტიციის მოცულობა 40 მილიონი აშშ დოლარი;
7. სამკურნალო-გამაჯანსაღებელი კომპლექსი „მაგნოლია“, ინვესტიციის მოცულობა 80 მილიონი აშშ დოლარი, პროექტი დასრულდება 2019 წელს;
8. სასტუმრო „სოლოლაკი“, ინვესტიციის მოცულობა 200 მილიონი აშშ დოლარი, პროექტი დასრულდება 2019 წელს.

წყარო: [HTTP://TIMESNEWS.GE](http://timesnews.ge)




„შეკვეთილი“



„თაბორი“



ერეკლე II-ის მოედანი




„განმუხური“



„მაგნოლია“



„თავისუფლების მოედანი“



„მაგნოლია“



„სოლოლაკი“



რა სჭირს ქართულ თხილს?

ურთიერთგაუმჯობესება სწრაფი დაავადების შესახებ

ევროკავშირის საზღვრიდან საქართველოში უკან მოაბრუნეს რამდენიმე ტონა თხილი, რომელშიც კიბოს გამომწვევი სოკო აღმოაჩინეს. ადამიანის ორგანიზმში აფლატოქსინის მოხვედრა მძიმე დაავადებებს იწვევს. ექსპერტი დავით ჯორჯენაძე, რომელიც ევროპული ბაზრისათვის განუთვნილი პროდუქციის ლაბორატორიის კონსულტანტია, ამბობს, რომ ევროკავშირში ქართულ პროდუქციას სულ უფრო ხშირად იწუნებენ და უკან აბრუნებენ.

ბოლო პერიოდში გაიზარდა შემთხვევები, როდესაც შემომწვდომის დროს ქართული თხილში აფლატოქსინის პოულობენ. მიზეზი არასწორი გამოშრობა-შენახვა-ტრანსპორტირებაა. დაავადება თვალთუხაობა, თუმცა მას ობის სოკოებს შორის ყველაზე საშიშად მიიჩნევენ.

აფლატოქსინს მძიმე კანცეროგენური თვისებები აქვს. ის იწვევს სიმსივნესა და ღვიძლის დაავადებებს. აფლატოქსინი სწრაფად და მარტივად ვრცელდება და არ კვდება თერმული დამუშავებით.

თავად ბიზნესმენები საკითხზე საუბრისგან თავს იკავებენ. სამთავრობო უწყების მიერ დადგენილი რისკზე დაფუძნებული კონტროლი კი შესაძლოა, ქართული თხილის რეპუტაციის შელახვის მიზეზი გახდეს.

თხილის ექსპორტიორი კომპანიის Nuts.ge-ის ხელმძღვანელის მამუკა ბერიაშვილის განცხადებით, დაფიქსირდა შემთხვევები, როდესაც ევროკავშირის ბაზრიდან უკან გამობრუნებულ ქართულ თხილში არ აღმოჩნდა ის დარღვევები, რის გამოც პროდუქცია ევროპულ ბაზარზე არ დაუშვეს.

„უკან დაბრუნებული თხილი სრულად შევამოწმეთ როგორც ქართულ, ასევე საერთაშორისო აკრედიტებულ ლაბორატორიებში. ორივე ლაბორატორიის პასუხი იყო იდენტური, რომ დაავადება არ აღმოჩნდა, მაგრამ ამის პარალელურად, ჩვენ გვქონდა ევროპული საზღვრის კონტროლის ანალიზი, სადაც ფიქსირდებოდა დაავადება.“

სიმართლე გითხრათ, მე თვითონ პასუხი არ მაქვს, რასთან არის ეს დაკავშირებული“, – აცხადებს მამუკა ბერიაშვილი და აღნიშნავს, რომ საუბარია კვიპროსის საზღვარზე. მსგავსი ნაბიჯები ქმნის შთაბეჭდილებას, რომ ეს არის ხელოვნური ბარიერები ბიზნესისთვის.

„გარკვეული ქვეყნის საზღვრები ხელოვნურად აფერხებენ ქართული თხილის იმპორტს. ხდება საზღვრიდან გამობრუნება, რის შემდეგაც პროცესში ერთვება სურსათის ეროვნული სააგენტო, აჭყავს სრულ კონტროლზე და ხდება ტვირთის შემოწმება. ხშირ შემთხვევაში მიზეზი, რის გამოც პროდუქცია უკან გამოაბრუნეს, არ დასტურდება. ეს არის ბიზნესის შეფერხება“, – აცხადებს Nuts.ge-ის ხელმძღვანელი

ნელი „ბიზნეს მედიასთან“.

მოსალოდნელ სკანდალთან დაკავშირებით საქართველოს თხილის გადამამუშავებელთა და ექსპორტიორთა ასოციაციამ სპეციალური განცხადებაც გაავრცელა.

„პირველ რიგში, გვინდა განვიმარტოთ, რომ დადგენილ ზღვარზე მეტი აფლატოქსინის მაჩვენებლის აღმოჩენა ევროკავშირის საზღვარზე ნორმალური მოვლენაა და არ ეხება მხოლოდ ქართულ თხილს. აფლატოქსინის აღმოჩენის ბევრად მეტი შემთხვევა ფიქსირდება თურქული და აზერბაიჯანული წარმოშობის თხილებში.“

2018 წლის მანძილზე საქართველოდან ევროპაში გასულ ასობით პარტიიდან თხილში აფლატოქსინი აღმოჩნდა მხოლოდ 6 შემთხვევაში.

ევროკავშირის საზღვარზე აფლატოქსინის აღმოჩენის შემთხვევაში თხილი ბრუნდება უკან საქართველოში. საზღვარზე თხილს ხვდება სურსათის ეროვნული სააგენტოს წარმომადგენელი, ამონებს ტვირთს, ლუქავს მას და აცილებს დაცულ სანყოფანედ, სადაც ასევე ხდება მისი დალუქვა.

დალუქული თხილი კვლავ მოწმდება აფლატოქსინის შემცველობაზე. აფლატოქსინის შემცველობის დადასტურების შემთხვევაში, სურსათის ეროვნული სააგენტოს წარმომადგენლების კონტროლით ხდება მისი გადარჩევა და გასუფთავება საექსპორტო თხილის გულისაგან, რადგან მასში უმნიშვნელო რაოდენობის დაავადებულ გულს შეუძლია იმოქმედოს მთლიანი ანალიზის შედეგებზე. გადარჩევის შემდეგ, პროდუქცია განმეორებით მოწმდება ევროპულ ლაბორატორიებში. თუ აფლატოქსინი აღარ აღმოჩნდა, მენარმეს უფლება ეძლევა განმეორებით მოახდინოს თხილის ექსპორტი. გამორჩეული მუშაობის თხილი კი განადგურებას ექვემდებარება.

გვინდა, ცალსახად აღვნიშნოთ, რომ არც ერთი კილოგრამი დაავადებული თხილი არ ხვდება ქართულ ბაზარზე და არც ერთ შემთხვევაში არ არის მისი გამოყენება მწარმოებლის კეთილ ნებაზე დამოკიდებული.

სიტუაცია საკითხის იხე წარმოჩენაც თითქოს ევროკავშირის საზღვარზე აფლატოქსინის აღმოჩენის მიზეზი არის ის, რომ აღარ ხდება მისი კონტროლი. საკითხი პირიქითაა, სექტემბრიდან კონტროლი გაძლიერებულია. იმის გარდა, რომ სახელმწიფომ დაიწყო საექსპორტო თხილის შერჩევითი კვლევა აფლატოქსინზე, მენარმეები თავადაც ვალდებული არიან და მათი ინტერესიცაა, რომ გამორიცხონ აფლატოქსინის შემცველი პროდუქციის ექსპორტი და თავიდან აირიონ პროდუქციის მობრუნების რისკი“, – აღნიშნავენ თხილის გადამამუშავებელთა და ექსპორტიორთა ასოციაციაში.

პაპა დანელია

ვინს საკუთარი თავი ვერ აღმოაჩინა VALIGE-ზე...

valige-ს ერთიანი ბაზა კვლავ განახლდა – ვებგვერდზე ამჟამად ატვირთულია 32 საფინანსო ორგანიზაციიდან შექმნილი სესხები/კრედიტები. ერთიანი ბაზას დღეს კიდევ 6 საფინანსო ორგანიზაციის მონაცემები დაემატა. ესენია:

- შპს „კრედიტ მენეჯმენტი“ (სესხის გამცემი: vivus.ge)
- სს „მისო კრისტალი“ (სესხის გამცემი: crystal.ge)
- შპს „მიკროსაფინანსო ორგანიზაცია ემ ბი ეს“ (სესხის გამცემი: masesxe.ge)
- სს „მიკროსაფინანსო ორგანიზაცია სვის კაპიტალ“ (სესხის გამცემი: swisscapital.ge)
- შპს „სვის კაპიტალ ავტო“ (სესხის გამცემი: swisscapital.ge)
- სს „ზიპ კრედიტ“ (სესხის გამცემი: zipcredit.ge)


აღსანიშნავია, რომ კოლექტორების, ე.წ. ამომღები კომპანიების შემთხვევაში, სესხები შესაძლებელია შექმნილი იყოს სხვადასხვა ფინანსური ინსტიტუტიდან, როგორცაა: ბანკი, მიკროსაფინანსო ორგანიზაცია, ონლაინ სესხის გამცემი და სხვა. ამ დროისთვის, ვებგვერდზე განთავსებულია ინფორმაცია 593 ათას 648 მსესხებლის, 1,257,616 სასესხო ჩანაწერის შესახებ, ჯამური დავალიანების თანხა 3,887,477,015 ლარია.

შეგახსენებთ, რომ ვებგვერდზე საკუთარი მონაცემების შესამოწმებლად საჭიროა სამი მარტივი ეტაპის გავლა:

- მსესხებლის პირადი ნომრის შეყვანა;
- დაბადების დღე/თვე/წელი შეყვანა;
- უსაფრთხოების მიზნით სპეციალური გრაფის მონიშვნა.

აღნიშნული ეტაპების გავლის შემდეგ, თუ მსესხებელი იპოვის თავის მონაცემებს, ეს ნიშნავს, რომ მას 15 დეკემბრიდან 31 დეკემბრის პერიოდში, გაუნულებდა ვებგვერდზე გამოტანილი დავალიანება.

ვებგვერდზე განთავსებული ინფორმაცია მონოდებულია საფინანსო ორგანიზაციების მიერ. იმ შემთხვევაში, თუ ფიზიკური პირი საკუთარ თავს ვერ აღმოაჩინა ვებგვერდზე წარმოდგენილ მონაცემებში, უნდა მიმართოს სესხის გამცემ ორგანიზაციას. პარალელურ რეჟიმში, ინტენსიურად მიმდინარეობს სხვა საფინანსო ორგანიზაციებიდან მონოდებული ინფორმაციის დამუშავება და უახლოეს პერიოდში, ერთიანი მონაცემთა ბაზას კვლავ დაემატება განახლებული მონაცემები.



გვერდი სულაბი სოცხალ მსახურებელთა სიახლე

მსსსპის განულებების შემდეგ აღმოჩნდა, რომ გასაწვდილი ვალეების სიაში მკვდარი სულაბი ხვდებოდა. შედეგად გაჩნდა საფუძვლიანი ეჭვი, რომ განულებების პროგრამა კრიტიკული ხარვეზებით მუშაობს. უკვე მერამდენე შემთხვევაა, როცა პროექტის ოფიციალურ ჩამონათვალი მოქალაქეები გარდაცვლილ ადამიანებს პოულობენ. ირკვევა ისიც, რომ რამდენიმე ასეული ლარის განვადება ათასობით ლარის დავალიანებად ხელოვნურად იქცა. ვითარებაში გასარკვევად ცოტა დრო რჩება. ვალეების ჩამონაწერი 15 დეკემბრიდან დაიწყება და საახალწლოდ, 31 დეკემბრის დასრულდება.

გარდაცვლილების ვალეების განულების პროგრამაში – ეკონომიკის მინისტრის ხარვეზებს ალიარებს.

„ვალეების განულების პროგრამა მიმდინარეობს ისე, როგორც იყო დაგეგმილი და მე მგონია, რომ ყველა კმაყოფილი უნდა დარჩეს. თუ მცირე ხარვეზებია სადაც, არა მგონია, ამას რამე დიდი მნიშვნელობა ჰქონდეს. მე არ გამოვირცხავ, რომ რაღაც წვრილმანი დარღვევები ყოფილიყო იქ, მაგრამ ეს ალბათ ტექნიკური საკითხი არის და ალბათ, ფინანსთა სამინისტრო მართავს ამ საკითხს“, – ამბობს გიორგი ქობულაძე.

ფინანსთა სამინისტროში კი განმარტავენ, რომ საბანკო და საფინანსო დანესებულებების მონაცემთა ბაზებში შესაძლებელია, იყოს მონაცემები გარდაცვლილ პირთა სასესხო დავალიანების შესახებ, რადგან მოვალის გარდაცვალება ავტომატურად არ იწვევს ვალდებულების შეწყვეტას სასესხო ურთიერთობებში. შესაძლოა, მხარეები ხელშეკრულებაში სხვაგვარად არ არიან შეთანხმებული.

„მოქმედი კანონმდებლობის თანახმად, ფიზიკური პირის გარდაცვალების შემთხვევაში, მის სამკვიდრო ქონებაში შედის მამკვიდრებლის როგორც ქონებრივი უფლებები, ისე მოვალეობები, რომელიც მას სიკვდილის მომენტისათვის ჰქონდა. ამასთან, მემკვიდრეები ვალდებული არიან, მთლიანად დააკმაყოფილონ მამკვიდრებლის კრედიტორთა ინტერესები, მაგრამ მხოლოდ მემკვიდრეობით მიღებული აქტივის ფარგლებში“, – განუცხადეს „კომერსანტს“ ფინანსთა სამინისტროში.

ფონდ „ქართუს“ ხელმძღვანელი ნიკოლოზ ჩხეტიანი ამბობს, რომ ფონდს სიებს შესაბამისი საკრედიტო დანესებულებები აწვდიან და შესაბამისად, ფონდს მათი ამ კუთხით გადამომწვდომი ფიზიკურად არ შეუძლია.

„თუმცა, გადასვლისწინებელია ისიც, რომ მოვალის გარდაცვალების შემდეგ დავალიანება გადადოს მემკვიდრეობით, ამიტომ ასეთ პირებზე ვალის განულებას არანაკლები მნიშვნელობა აქვს“, – განმარტავს ჩხეტიანი.

დანიელ პაპაური

კგბ-ს აბენტების კარტოთეკაში მართლმადიდებელი ეკლესიის რაოდენობა სასულიერო პირის მონაცემები აღმოჩნდა...


ლბტვიის ეროვნულმა არქივმა „კგბ-ს შესახებ კანონში“ შეტანილი ცვლილებების საფუძველზე, რომელიც საბჭოთა სპეცსამსახურების არქივების გასაჯაროებას გულისხმობს, ქსელში კგბ-ს საბუთები განათავსა.

ოფიციალურ საიტზე მითითებულია, რომ მიმდინარე თვეში გამოქვეყნებული კარტოთეკა ძალზე შეზღუდულ ანალიტიკურ შესაძლებლობებს იძლევა ოპერატიული საქმეებისა და სხვა მასალების გარე-

შე, რომელთა უზღუდვა იცავს მომავალი წლის მაისში იგეგმება. მხოლოდ ამ მასალებს შეეძლება, პასუხი გასცეს კითხვას სავარაუდო აგენტების საბჭოთა სპეცსამსახურებთან თანამშრომლობის ხარისხის შესახებ.

ლატვიის ყოფილი სსრ-ის კგბ-ს უკვე გამოქვეყნებულ აგენტურულ კარტოთეკაში 1939 წელს დაბადებული ალექსანდრე ივანეს ძე კუდრიაშოვის მონაცემები აღმოჩნდა, რომლებიც სრულად ემთხვევა მოსკოვის საპატრიარქოს ლატვიის მართლმადიდებელი ეკლესიის წინამძღოლის, რიგისა და სრულიად ლატვიის მიტროპოლიტის ბიოგრაფიულ მონაცემებს.

როგორც აგენტურულ ბარათშია აღნიშნული, კუდრიაშოვმა კგბ-სთან თანამშრომ-




ლობა 1982 წელს დაიწყო და მიიღო ფსევდონიმი „მკითხველი“. აღსანიშნავია, რომ ამჟამინდელმა მიტროპოლიტმა ალექსანდრემ დიაკვნის სტატუსი 1982 წელს მიიღო.

კარტოთეკაში აღმოჩნდა რუსული მართლმადიდებელი ეკლესიის მაღალი იერარქის – ივანე მიროლუბოვის ბარათიც. ფსევდონიმ „ანატოლის“ მქონე აგენტის მონაცემები სრულად ემთხვევა მოსკოვის საპატრიარქოს საგარეო საეკლესიო კავშირების განყოფილების თანამშრომლის, სინოდალური კომისიის მდივნის მონაცემებს. ალ-

სანიშნავია, რომ ეს უკანასკნელი რიგის მკვიდრია.

ზემოთქმულთან დაკავშირებით მოსკოვის საპატრიარქოს ჯერჯერობით კომენტარი არ გაუკეთებია.

სულ აგენტურული კარტოთეკა 10612 ბარათს ითვლის. სხვებთან ერთად, მასში სსრკ საკალათბურთო ნაკრების კაპიტნის ვალდის ვალტერის, დაუგავილის ყოფილი მერის რიხარდ ეიგელის, მხატვარ მათა ტაბაკისა და წარსულში ლატვიის ყველაზე მდიდარი ადამიანის – ალექსანდრე ლავენტის მონაცემებიც აღმოჩნდა.



ბარსელონაში ტერაქტებს გეგმავენ?

აშშ-ის სახელმწიფო დეპარტამენტი თავის მოქალაქეებს მოუწოდებს ყურადღებით იყვნენ ბარსელონის ცენტრში ტრანსპორტით გადაადგილებისას, საშობაო და საახალწლო დღესასწაულის დროს ტერორისტული თავდასხმების რისკის გამო.



უნწყება მიიჩნევს, რომ ტერორისტები შესაძლოა, თავს დაესხნენ სადღესასწაულოდ შეკრებილ ადამიანთა ჯგუფებს იმ რაიონებში, რომლებიც ტურისტებში განსაკუთრებით პოპულარულია, მათ შორის, რამბლას საფეხმავლო ქუჩაზე, სატრანსპორტო კვანძებსა და სხვა საჯარო ადგილებში.

აშშ-ის მთავარი საშობაო ნაძვის ხე ილუმინაციის ბარათზე ღარიბები

აშშ-ის მთავარი საშობაო ნაძვის ხე, რომელიც თეთრი სახლის წინ არის განთავსებული, აშშ-ის მთავრობის მუშაობის დროებითი შეჩერების პერიოდში, ილუმინაციის გარეშე ღარიბები.

გამოცემის ინფორმაციით, მთავრობის მუშაობის დროებითი შეჩერებამ გაართულა ილუმინაციის შეკეთება, რომელიც გასულ პარასკევს დაზიანდა, როდესაც უცნობი მამაკაცი ნაძვის ხეზე აძვრა.

„მთავრობის მუშაობის ნაწილობრივ შეჩერების პერიოდში თეთრი სახლის ვიზიტორების ცენტრი და საშობაო ნაძვის ხის მოედანი დახურული იქნება“, – განაცხადა აშშ-ის პარკების ეროვნულ სამსახურში.

საშობაო ნაძვის ხეზე ილუმინაცია 28 ნოემბერს

აშშ-ის პრეზიდენტმა და პირველმა ლედიმ ანტონი ბლუმინაციების საერთო სიგრძე 7 კილომეტრს აღწევს, ხოლო ნაძვის ხის სიმაღლე – 8,5 მეტრს.

მაკრონი „ყვითელ ქილაებს“ ემუქრება

საფრანგეთის პრეზიდენტი ემანუელ მაკრონი „ყვითელი ქილეტების პროტესტის“ დროს არეულობის მომწყობებს მკაცრი სასჯელით ემუქრება. საფრანგეთის პრეზიდენტმა შინაგან საქმეთა მინისტრს დაავალა, რომ ხისტი ზომები მიიღოს იმ პროვოკატორების მიმართ, ვინც პარიზის ქუჩებში ქაოსი მოაწყო და შენობები დაარბია.

მაკრონიმ ყვითელი ქილეტების აქციის მონაწილეებს სიმშვიდისკენ და გაერთიანებისკენ მოუწოდა. კვირას ყვითელი ქილეტების პროტესტის მეექვსე აქტი პარიზში ისევ პოლიციასთან შეტაკებებით დასრულდა. მაკრონის ანტიკრიზისული გეგმით უკმაყოფილო ხალხმა ელისეს სასახლესთან სცადა მიახლოება, თუმცა ამის საშუალება მათ პოლიციამ არ მისცა.

სამართალდამცველებმა დემონსტრანტების წინააღმდეგ ცრემლსადენი გაზი და ხელკეტები გამოიყენეს. მომიტინგეები სამართალდამცველებს ძალის გადამეტებაში ადანაშაულებენ.

გავრცელდა სკანდალური კადრები, სადაც დაპირისპირების დროს ერთ-ერთმა პოლიციელმა მომიტინგეებს ცეცხლსასროლი იარაღიც დაუმიზნა. შინაგან საქმეთა უწყებაში აცხადებენ, რომ ამ ინციდენტთან დაკავშირებით გამოძიება უკვე დაწყებულია.



მინასთან განსრობული ინფონიზია

ინფონიზიაში დამანგრეველი ცუნამის შედეგად დაკარგულს ამ დრომდე ეძებენ. ბოლო ინფორმაციით, დაღუპულია 222 ადამიანი, დაზარალებულია – 843, დაკარგულია ითვლება 30 ადამიანი.

ცუნამის მიზეზად ვულკან ანაკ-კრაკატაუს ამოფრქვევის შედეგად წარმოქმნილი წყალქვეშა მენყერი სახელდება. სოციალურ ქსელში გავრცელდა ვიდეო, როგორ ანგრევს ცუნამი პოპულარული ინდონეზიურ პოპ ბენდის Seventeen-ს კონცერტზე სცენას და ბენ-



დის წვერებს კლავს. ინდონეზიის სანაპირო ქალაქში დამანგრეველმა ცუნამმა მინასთან გაასწორა.

მაროკოში ტურისტ გოგონას თავები მოჰკვეთეს

მაროკოს სამართალდამცვემა ორგანოებმა 9 პირი დააკავეს, რომლებიც სავარაუდოდ ე.წ. ისლამური სახელმწიფოს წევრები არიან და ეჭვმიტანილები არიან ნორვეგიელი და დანიელი ტურისტის გოგონების მკვლელობაში.

როგორც Morocco World News იტყობინება, ცენტრალური ბიუროს თანამშრომლებმა ეჭვმიტანილებს სხვადასხვა ქალაქებში დააკავეს. მაროკოს ხელისუფლების განცხადებით, მათგან რამდენიმე აცხადებს, რომ ე.წ. „ისლამური სახელმწიფო“ იდეების მიმდევარია. ალპინისტი გოგონების ცხედრები მაროკოში, ტუზვალის მთებში, მათ კარვებთან ახლოს 17 დეკემბერს აღმოაჩინეს. ტურისტების სიკვდილის მიზეზი ყელზე მიყენებული ნაკვეთი ჭრილობა გახდა.

მოკლული ტურისტები აღმოჩნდნენ 24 წლის დანიელი ლუიზა ვესტერაგერ იესპერსენი და 28 წლის ნორვეგიელი მარენ უილანდი. მაროკოს ხელისუფლება მომხდარ ფაქტს ტერორისტულ აქტად აფასებს.

მაროკოს პოლიციის ინფორმაციით, ცხედრების აღმოჩენის შემდეგ რამდენიმე საათში ინტერნეტში გამჩნდა ვიდეო, რომელზეც ასახული იყო ტურისტების თავის კვეთის სცენა. ვიდეოკადრების ნამდვილობა ჯერ დადგენილი არაა, თუმცა ქალი, რომელსაც ჩანანერში თავს ჭრიან, ნამდვილად ჰგავს ტურისტს, რომლის ცხედარიც მაროკოში აღმოაჩინეს. ჩანანერში ისმის მამაკაცის ხმა, რომელიც ევროპელებს „ალაჰის მტრებს“ უწოდებს და იძახის „ეს თქვენ სირიის გამო. ასეთია უფლის ნება“.

არაბული მაღრიბის ზონის სხვა ქვეყნებთან შედარებით, მაროკო შედარებით უსაფრთხოდ ითვლებოდა. რადიკალი

ლ ა მ ი ს ტ ე ბ ი ს მხრიდან ტურისტებზე ბოლო ყველაზე ცნობილი თავდასხმა 2011 წლის აპრილში მოხდა, როდესაც მარაკოში რესტორანში მომხდარ აფეთქებას 17 ადამიანი ემსხვერპლა.



რაგბი ჩვენი თაგაშია!

პატარაშვილის „ვეფხვები“ „ლოკომოტივი“ დაამუსრუტა

პატარაშვილის მორაგბეთა გუნდი „ვეფხვები“ საქართველოს ჩემპიონატის, ანუ დიდი 10-ის დებიუტანტია. იგი გათამაშების ცხრილში მე-9 ადგილზეა, ხოლო ჩვენს სახელოვან გუნდს „ლოკომოტივს“ მესამე საფეხური უკავია. ამიტომ მეტოქეთა დაპირისპირებაში, რომელსაც რუსთაველა უმასპინძლა, უპირობო ფავორიტად რეკინგზელები მიიჩნეოდნენ. არადა, სეზონის მინუსულს პატარაშვილებმა სენსაციურ გამარჯვებას მიაღწიეს – მოქმედი ჩემპიონი 32:19 დაამარცხეს.



ეს იყო მე-10 ტურის გადადებული მატჩი. მართალია, ლოკომოტიველები 10-დღიანი და ორმატიანი იტალიური ტურნედან გადაღლილი დაბრუნდნენ, მაგრამ სპეციალისტები უპირატესობას მაინც ჩემპიონს ანიჭებდნენ. ანგარიში მე-17 წუთზე „ვეფხვებმა“ გახსნა – ლამაზ გურგენიძემ ზუსტად დაარტყა საჯარიმო. სუთიოდე წუთში „ლოკომოტივი“ ლელოთი და ზუსტი გარ-

დასახვით (დაჩი კოპაძე, ბექა ნიკლაური) უპასუხა. თბილისელებმა ტაიმი 7:6 მოიგეს.

პირველი ტაიმის მინუსულს არბიტრმა პატარაშვილები გიორგი ჟღენტი გაასინბინა. „ლოკომოტივი“ რიცხოპრივი უპირატესობა მეორე ტაიმის დასაწყისში გამოიყენა, თუმცა, დედაქალაქელთა ლელოს სტუმრებმა ზედიზედ სამი ზუსტი საჯარიმო დარტყმით უპასუხეს და ისევ დანიშნულდნენ – 15:14.

შეხვედრის მინუსულს „ვეფხვებს“ მეტი ენერჯია შერჩა და 17 უპასუხო ქულა აიღო. შეხვედრა პატარაშვილებმა 13 ქულის უპირატესობით მოიგეს და „ლოკომოტივს“ გათამაშების ცხრილში მე-2 ადგილზე გადაინაცვლებს საშუალება არ მისცეს.

დიდი 10 საახალწლო შესვენებაზე გავიდა და თამაშები 25 იანვრიდან განახლდება, თუმცა, ეს არ ეხება „ლოკომოტივს“, რომელიც 12 იანვარს „კონტინენტის ფარის“ ჯგუფური ეტაპის დასკვნით მატჩს „ავჭალაზე“ იტალიურ „ფიამე ოროსთან“ გამართავს.

„ბათუმი“ – 40, რუსთავეის „ხარები“ – 32, თბილისის „ლოკომოტივი“ – 32, მარნეულის „არმაზი“ – 29, ქუთაისის „აია“ – 26, თბილისის „ლელო სარასენსი“ – 24, გორის „ჯიქი“ – 19, თბილისის „აკადემია“ – 16, პატარაშვილის „ვეფხვები“ – 14, თბილისის „არმა“ – 7 ქულა.

ლემსო ცინცაძე.

წლოვა

კვლავ გია გიორგაძე

ჭადრაკის სასახლეში საქართველოს ჭადრაკის ფედერაციის საანგარიშო – საარჩევნო ყრილობა გაიმართა.

მას 67 დელეგატი ესწრებოდა, რომლებმაც ფედერაციის განუყოფელი მუშაობის ანგარიში მოისმინეს და წესდებაში ცვლილებების შეტანა დაამტკიცეს.

ბოლო საკითხი ჭადრაკის ფედერაციის ხელმძღვანელი ორგანოების არჩევნები იყო. მოქმედი პრეზიდენტი გია გიორგაძე პრეზიდენტობის ერთადერთი კანდიდატი გახლდათ – მას დელეგატებმა ერთხმად დაუჭირეს მხარი.

ამას გარდა, აირჩიეს ვიცე-პრეზიდენტები: აკაკი იაშვილი (მსოფლიო საჭადრაკო ორგანიზაციის ფიდეს ვიცე-პრეზიდენტი), ვალერი გაფრინდაშვილი და ზურაბ მიქაძე, ხოლო გენერალური მდივანი სოფიო გვეტაძე იქნება. აღსანიშნავია, რომ გია გიორგაძე ფედერაციის პრეზიდენტად მეოთხე ვადით აირჩიეს.



კახან დოლიძე

ფეხბურთი

ზედიზედ მესამედ!

ჩემპიონთა ლიგის გამარჯვებული მადრიდის „რეალი“ ფიფას მსოფლიოს საკლუბო ჩემპიონატის ტრიუმფატორი ზედიზედ მესამედ გახდა.

აბუ დაბიში გამართულ ფინალურ შეხვედრაში „სამეფო კლუბმა“ არაბთა გაერთიანებული საამიროების ჩემპიონი „ალ აინი“ 4:1 დაამარცხა. „რეალის“ მხრიდან ბურთები ლუკა მოდრიჩმა, მარკოს ლორენტემ და სერხიო რამოსმა გაიტანეს, ავტოგოლი კი იაპია ნადარის ანგარიშზეა. მასპინძელთაგან თავი ცუკვასა სოტანიმ გამოიჩინა.

მარკოს ლორენტე მატჩის საუკეთესო ფეხბურთელად დაასახელეს. 23 წლის საყრდენმა მადრიდის „რეალის“ რიგებში 33-ე მატჩი ჩატარა და ბურთი პირველად გაიტანა.



„რეალმა“ ფიფას მსოფლიოს საკლუბო ჩემპიონატი მეოთხედ მოიგო და რეკორდი დაამყარა. სამჯერ თასი „ბარსელონამ“ აღმართა, ორჯერ კი გამარჯვება „კორინთიანსმა“ მოიპოვა. წლევედელი საკლუბო ჩემპიონატის მესამეადგილოსანი „რივერ პლეიტი“ გახდა, რომელმაც „კაშიმა“ 4:0 დაამარცხა.

დავძენთ, რომ ჩემპიონატის საუკეთესო ფეხბურთელად უელსის ეროვნული ნაკრებისა და მადრიდის „რეალის“ შემტევი გარეტ ბეილი დაასახელეს. მან ტურნირზე სამი გოლი გაიტანა და ოქროს ბურთი გადაეცა.

აღნიშნულ ნომინაციაში მეორე ადგილზე „ალ აინის“ ბრაზილიელი ფეხბურთელი კაიო გავიდა, ხოლო მესამეზე – „რივერ პლეიტის“ მოთამაშე რაფაელ სანტოს ბორე. ფერო პლეის პრინციპების დაცვისთვის მადრიდის „რეალი“ დააჯილდოვეს.



გიორგი შოთაძე

საზონის ფინიშა



საზოგაოდ - 24 მედალი!

სლოვაკეთის ქალაქ კოშიცეში გამართულ საერთაშორისო ტურნირზე წარმატებით იასპარეზა ქართულმა დელეგაციამ, სადაც ჩვენმა მოცურავეებმა 10 ოქროს, 8 ვერცხლისა და 6 ბრინჯაოს მედლის მოპოვება მოახერხეს. მათგან საუკეთესო იყო თემო კობახიძე, რომელმაც 3 ოქროსა და 1 ვერცხლის მედალი დაიმსახურა. ასევე ყველაზე მაღალი ქულები მოაგროვა და ოქროს

მედალი მოიპოვა საკუთარ ასაკობრივ კატეგორიაში ნოე ფანცხავამაც.

ტურნირში საქართველოს გარდა სლოვაკეთის, ჩეხეთის, უკრაინისა და პოლონეთის 21 კლუბი მონაწილეობდა. გამარჯვებულთა დაჯილდოება 4 სხვადასხვა ასაკობრივი კატეგორიის მიხედვით ხდებოდა.

ვიტალი ჯაფარიძე

ვითარება

შუმასერის ბელისნერა

თითქმის ხუთი წელი გავიდა მას შემდეგ, რაც მიხაელ შუმასერს საფრანგეთის ალპებში უმძიმესი ინციდენტი შეემთხვა. ექიმებმა ის სასწაულებრივად გადაარჩინეს დაღუპვას, მაგრამ მსოფლიოს შეიდეგზის ჩემპიონი მონყვეტილია სრულფასოვან ცხოვრებას.

შვეიცარიულ ვილაში მას პერიოდულად აკითხავენ მეგობრები, თუმცა, ფართო საზოგადოებისთვის მისი ფოტოები და ჯანმრთელობის შესახებ ინფორმაცია დაფარულია. ამ დროის განმავლობაში მისი შვილი მიკი, ვინც სახელოვანი მამის ინციდენტისას 14 წლის იყო, უკვე ფორმულა-1-ის კარს უკაკუნებს F1-ის ყველაზე ტიტულოვანი პილოტი კი რბოლებს ტელეეკრანის მეშვეობითა უყურებს...

შუმასერის მენეჯერი საბინა კემი ყველა, თუ რატომ არ ავრცელებს ინფორმაციას ლეგენდარული გერმანელის ჯანმრთელობის შესახებ: „ერთხელ, ხანგრძლივი საუბრის შემდეგ, მიხაელმა მითხრა: საჭირო არაა, რომ მომავალ წელს დამირეკო, უნდა გავუჩინარდე. როგორც ჩანს, ის დიდი ხანია ამაზე ფიქრობს. სწორედ ამიტომ არის, რომ მასზე არაფერს ვამბობთ“.

შუმასერის შესახებ ინფორმაციის გასაიდუმლოების მიუხედავად, ახლა-



ხანს „დეილი მეილმა“ მისი ჯანმრთელობის შესახებ გარკვეული ინფორმაცია მაინც მოიპოვა. ბრიტანული გამოცემა წერს, რომ გერმანელი ალარც ნევს და არც წამლებს ღებულობს. უბრალოდ, მას ექთნები ემსახურებიან, ეს მომსახურება კი ოჯახს კვირაში 50 000 გირვანქა

სტერლინგი უჯდება. საერთაშორისო საავტომობილო ფედერაციის (FIA) პრეზიდენტი ჟან ტოდტი თვეში ორჯერ ნახულობს თავის მეგობარს. ახლახანს მან განაცხადა, რომ ბრაზილიის დიდ პრიზს მიხაელთან ერთად უტყქირა.

„ყოველთვის ფერთილობ მიხაელზე განცხადების გაკეთებისას. ის კი მართალია, რომ ბრაზილიის დიდი პრიზის რბოლას მისი შვეიცარიულ ვილაში მასთან ერთად, ტელეეკრანით ვუყურე“, – ამბობს ტოდტი, ვინც 2000-2004 წლებში, როცა შუმასერმა მსოფლიო ჩემპიონის ზედიზედ ხუთი ტიტული მოიპოვა, „ფერარის“ ხელმძღვანელი იყო.

კოვა კოვასიძე

დიდი სისოსხლე

აკადემიკოსი მიხეილ ხანანაშვილი დაიბადა 1928 წლის 19 სექტემბერს, ცნობილი მეცნიერის, საქართველოში ქიმიის დარგის ერთ-ერთი ფუძემდებლის მიხეილ ხანანაშვილის ოჯახში. 1945 წელს №1 საშუალო სკოლის ოქროს მედალზე დამთავრების შემდეგ ჩაირიცხა თბილისის სახელმწიფო სამედიცინო ინსტიტუტში, უკვე მეორე კურსის სტუდენტი ჩაება სამეცნიერო მუშაობაში და პირველი სამეცნიერო ნაშრომი შესარულა აკადემიკოს ივანე ბერიტაშვილის ხელმძღვანელობით, რომელთანაც მთელი სიცოცხლის განმავლობაში წარმატებით განაგრძობდა მეცნიერულ თანამშრომლობას.

უპირობოდ მაღალი სამეცნიერო ავტორიტეტის მოხვეჭამ უფლება არგუნა ჯერ კიდევ ახალგაზრდა მკვლევარს, სათავეში ჩასდგომოდა სწორედ იმ ლაბორატორიას, რომელსაც სიცოცხლის ბოლომდე ხელმძღვანელობდა დიდი ივანე პავლოვი.

გასაოცრია ის გარემოება, რომ აკადემიკოსი მიხეილ ხანანაშვილი მთელი თავისი უშრეტო ენერჯით აღსავსე შემოქმედებითი ცხოვრების ყველა შემდგომ ეტაპზე უცვლელად რჩება ახალი ფორმაციის ფიზიოლოგად, კვლავაც ბრწყინვალედ წარმოადგენს ფიზიოლოგიის „ახალ ტალღას“ და ღირსეულად მორგებულ ეპითეტს „ახალი“ ამკვიდრებს, უპირველეს ყოვლისა, განუმეორებელი ნიჭით და მეცნიერული კულტურით.

1975 წელს ივანე ბერიტაშვილის სახელობის ფიზიოლოგიის ინსტიტუტის სამეცნიერო საბჭო იწვევს მიხეილ ხანანაშვილს — ფართო სამეცნიერო ასპარეზზე განთქმულს, მრავალი ნოვატორული კონცეფციის დამწერტად მკვლევარს ცხოველთა ქცევის შემსწავლელი ლაბორატორიის ხელმძღვანელად, სადაც მას მიანდეს ახლად გარდაცვლილი დიდი ივანე ბერიტაშვილის მიერ ნაანდერძევი სამეცნიერო-შემოქმედებითი ტრადიციების გაგრძელება.

1984 წელს მიხეილ ხანანაშვილი აირჩიეს საკავშირო მედიცინის მეცნიერებათა აკადემიის აკადემიკოსად, ხოლო 1996 წლიდან ის საქართველოს მეცნიერებათა ეროვნული აკადემიის აკადემიკოსია.

მიხეილ ხანანაშვილის მოღვაწეობის 1980-1990 წლების მონაკვეთი სამართლიანად შეიძლება ჩაითვალოს ი. ბერიტაშვილის სახელობის ფიზიოლოგიის ინსტიტუტის ისტორიაში აღმშენებლობისა და აღმასვლის ახალ ფურცლად. ამ პერიოდში ინსტიტუტის დირექტორის თანამდებობაზე უბადლო მკვლევარ-ექსპერიმენტატორის ნიჭთან ერთად გამოვლინდა მიხეილ ხანანაშვილის პროგრესული სტილის ადმინისტრატორისა და მეცნიერების ორგანიზატორის კოლოსალური უნარი.

აკადემიკოს ხანანაშვილის სამეცნიერო კვლევის ძირითადი საკითხებია უმაღლესი ნერვული მოქმედების კანონზომიერებანი ნორმისა და პათოლოგიის პირობებში, მეხსიერებისა და ემოციის პრობლემა. მას ეკუთვნის ორიგინალური კონცეფცია ინფორმაციული ნევროზის და ინფორმაციული სტრესის შესახებ.

მისი მეცნიერული მიღწევებიდან უაღრესად მნიშვნელოვანია ინფორმაციული ნევროზის თეორიის ჩამოყალიბება. ეს თეორია გარკვეულწილად პრაქტიკულ მედიცინაში შეიჭრა და ისევ მიხეილ ხანანაშვილის ძალისხმევითა და ორიგინალური მიდგომის საფუძველზე ფსიქონერვული დაავადების დამოუკიდებელი ნოზოლოგიური ფორმის — ინფორმაციული დაავადების სახით წარმოგვიდგა. ინფორმაციული დაავადება გულისხმობს ნერვული სისტემის უმაღლესი ფუნქციების დარღვევას

გარდაიცვალა აკადემიკოსი მიხეილ ხანანაშვილი



და ამით განპირობებულ, ორგანიზმის სხვა სისტემების ცხოველყოფილობის მოშლას სამი ფაქტორის არახელსაყრელი მერწყმის პირობებში. ეს ფაქტორებია მნიშვნელოვანი გადანყვეტილების მისაღებად გადასამუშავებელი ინფორმაციის მოცულობა, ამისთვის განკუთვნილი დრო და დასახული ამოცანის შესრულების მაღალი მოტივაცია. ამ სამი ფაქტორის თანხვედრა არახელსაყრელია ორგანიზმისთვის იმ შემთხვევაში, თუ გადასამუშავებელია დიდი მოცულობის ინფორმაცია, აუცილებელია მნიშვნელოვანი გადანყვეტილების და ტვინის ამგვარი მუშაობისთვის გამოყოფილია მცირე დრო; ან ხანგრძლივი დროის განმავლობაში ადგილი აქვს ინფორმაციის დეფიციტს, ხოლო გადაწყვეტილების მიღების მოტივაცია კვლავ მაღალია, აღნიშნული „ინფორმაციული ტრიადა“ საყოველთაოდ აღიარებული იქნა კლინიკისტიების მიერ. არსებითად, მიხეილ ხანანაშვილის მიერ შექმნილია უმაღლესი ნერვული მოქმედების პათოლოგიის ახალი სახეობა და მისი განვითარების მექანიზმის შესწავლის საფუძველზე შემუშავებული იქნა ამ პათოლოგიის პრევენციისა და მკურნალობის ახალი გზები.

მრავალრიცხოვანი კვლევების საფუძველზე მ. ხანანაშვილმა ახლებურად განიხილა და გააანალიზა ჰანს სელიეს მიერ ჩამოყალიბებული თეორია ზოგად ადაპტაციური სინდრომის თაობაზე. მის მიერ შემოთავაზებული იყო პიპოსტრესის, ნორმოსტრესის და ჰიპერსტრესის ცნება, რომლებიც არსებითად სტრესული მდგომარეობის ფორმებს წარმოადგენენ და დაასაბუთა ამ მდგომარეობის რეალური არსებობა. მიხეილ ხანანაშვილის მიერ მოწოდებული სტრესის განვითარების ორიგინალური თეორია არსებითად ჰანს სელიეს თეორიის შემდგომი განვითარებაა.

ამასთან ერთად მიხეილ ხანანაშვილმა შეიმუშავა მრავალი სრულიად ახალი ექსპერიმენტული მეთოდიკა. მათ შორის ერთ-ერთი გამორჩეულია თავის

ტვინის ლოკომოტორული თვისტიმულაციის მეთოდი, რომელმაც საშუალება მისცა მას და მის თანამშრომლებს, დაედგინათ ემოციის მარეგულირებელი ცენტრები თავის ტვინში.

აკადემიკოსი ხანანაშვილი მუდმივად ახლის ძიებაში იყო. თავისი მრავალწლიანი კლინიკო-ექსპერიმენტული გამოკვლევებისა და დაკვირვების ანალიზის საფუძველზე სულ უკანასკნელ ხანებში მან წარმოადგინა ნორმიდან პათოლოგიაში გადასვლის სრულიად ახალი და ორიგინალური თეორია, რასაც მან მეოთხე მდგომარეობა უწოდა.

ჯერ კიდევ 1999 წელს, რუსეთის პავლოვის სახელობის ფიზიოლოგთა საზოგადოების თავმჯდომარემ, აკადემიკოსმა გაზენკომ წინადადებით მიმართა მსოფლიოს მრავალ მეცნიერს, დაეჭირათ მხარი მიხეილ ხანანაშვილის ნობელის პრემიაზე წარსადგენად ფიზიოლოგიისა და მედიცინაში განსაკუთრებული მიღწევებისთვის. მაგრამ სამწუხაროდ, რუსეთში მომხდარმა პოლიტიკურმა კატაკლიზმებმა ხელი შეუშალეს ამ იდეის განხორციელებას.

1975 წელს ლოს-ანჯელესში ხანანაშვილისთვის პავლოვის ჯილდოს გადაცემისას ამერიკის პავლოვის საზოგადოების პრეზიდენტმა, პროფესორმა განტმა აღნიშნა, რომ პავლოვის შემდეგ მიხეილი არის ერთ-ერთი ყველაზე პროდუქტიული მეცნიერი უმაღლესი ნერვული მოქმედებისა და ქცევის შესწავლის სფეროში.

მ. ხანანაშვილის მეცნიერული წარმატების აღიარებაზე მეტყველებს ის, რომ იგი არჩეული იყო ინგლისის, გერმანიის, აშშ-ის, ჩეხეთის, პოლონეთის პრესტიჟული სამეცნიერო საზოგადოებების წევრად და საპატიო წევრად. 1980-90 წლებში ის არჩეული იყო მსოფლიო ფიზიოლოგთა კავშირის მუდმივ მოქმედი კომისიის თავმჯდომარედ. მას მინიჭებული ჰქონდა საკავშირო მეცნიერებათა აკადემიის ი. პავლოვის სახელობის პრემია და ოქროს მედალი. დაჯილდოებული იყო სხვა პრესტიჟული საერთაშორისო პრემიებით (აშშ, გერმანია, იტალია, ინდოეთი და სხვა): ჩრდილოეთ ამერიკის ქცევის შემსწავლელი საზოგადოების ჯილდო, სსრკ სახელმწიფო პრემია, ბულგარეთის მეცნიერებათა აკადემიის ოქროს ნიშანი, იტალიის გერონტოლოგთა აკადემიის და სტრესის შემსწავლელი საზოგადოების ჯილდოები, პათოფიზიოლოგთა საერთაშორისო საზოგადოების მედალი, საერთაშორისო მეცნიერებათა აკადემიის ოქროს ნიშანი, არჩეული იყო ქ. კოლომბოს (შრი ლანკა) საპატიო მოქალაქედ. 2003 წელს აირჩიეს ამერიკის შეერთებულ შტატებში თავის ადამიანად. არის საქართველოს „ღირსების ორდენის“ კავალერი.

მიხეილ ხანანაშვილს ეკუთვნის 300-მდე სამეცნიერო შრომა, მათ შორის 16 მონოგრაფია გამოქვეყნებულია ქართულ, რუსულ, ინგლისურ, გერმანულ, ესპანურ, ბულგარულ და სხვა ენებზე. იგი თანაავტორია რამდენიმე სახელმძღვანელოსი. მისი ხელმძღვანელობით დაცულია 30 საკანდიდატო და 7 სადოქტორო დისერტაცია.

საქართველო მეცნიერებათა ეროვნული აკადემია

საქართველოს მეცნიერებათა ეროვნული აკადემია და ფიზიოლოგიისა და მედიცინის განყოფილება იუნყება, რომ გარდაიცვალა გამოჩენილი ქართველი ფიზიოლოგი, სახელმწიფო პრემიის ლაურეატი, მრავალი ქვეყნის მეცნიერებათა აკადემიების ნამდვილი და საპატიო წევრი, აკადემიკოსი

მიხეილ ხანანაშვილი

და სამძიმარს უცხადებს განსვენებულის ოჯახს.

მეუღლე ლია წულაია, შვილები მარინა, ეკატერინე, შვილიშვილი გიორგი, სიძე მარკ ევანსი, და ირინე, ძმისშვილი ნოდარი, დისშვილი მიშიკო ღრმა მწუხარებით იუნყებებიან, რომ გარდაიცვალა

მიხეილ ხანანაშვილი

პანაშვიდი: 25, 26 XII, 16 სთ;
გამოსვენება: 27 XII, 14 სთ;
მისამართი: ჭავჭავაძის გამზირი №14, VII სართ. ბინა 14.



მეუღლე ნუნუ, შვილები ირინა, ალექსანდრე, სიძე ზურაბ ერისთავი, რძალი ლალი ხუადა, შვილიშვილები, ნათესავები და მეგობრები ღრმა მწუხარებით იუნყებიან, რომ გარდაიცვალა

ირაკლი მოწარელია

პანაშვიდი: 25, 26 დეკემბერს, 17 საათზე, თბილისი, თამარაშვილის №2ა, II სართ;
გამოსვენება: 27 დეკემბერს, 14 საათზე, საბურთალოს ამაღლების ტაძრიდან.

ბაკურ გულუა ოჯახით სამძიმარს უცხადებს ნუნუ, ირინა და ალექო მონერელიებს მეუღლისა და მამის

ირაკლი მოწარელიას

გარდაცვალების გამო.

მეუღლე ეთერი, შვილები ნიკოლოზი, გიორგი, შვილიშვილები ელენე, ალექსანდრე, და მარინა ღრმა მწუხარებით იუნყებიან, რომ გარდაიცვალა ცნობილი ქართველი მეცნიერი, პროფესორი

ანატოლი ლონიდას ქიოკლი

პანაშვიდი: 25, 26 დეკემბერი, 17 საათზე;
გამოსვენება: 27 დეკემბერს, 14 საათზე;
მისამართი: თბილისი, დიდი დილომი, პეტრინის ქ. №9ა, მე-11 სართული, ბინა 39.

გილოსავით!

პროფესორ გივი მინდელის საზოგადოების წევრები რეპაზ თაგვაძემ, დათო დათოშვილი, გაიოს ბალ-დავაძემ, ბონდო ჟოგუაძემ, ივიკო საყვარელიძემ, მერაბ მახარაძემ, გურამ ანრანაძემ, როლანდ იოსელიანმა, ჯუმბერ ბონაშვილი, რეპაზ არაბაძემ, ზია მახარაძემ, იმარ ცაავამ, ზია რამიშვილი, ვალერი ვარდოსანიძემ და თამაზ ბობინაშვილი ღრმა პატივისცემითა და სიყვარულით ულოცავენ დაბადების დღეს, 25 დეკემბერს, ამავე საზოგადოების წევრს, ჩვენი ქვეყნის ცნობილ სახელმწიფო და საზოგადო მოღვაწეს, საქართველოს პარლამენტის ორგანოების ყოფილ დეპუტატს, აგროპროდუქტების ხარისხის კონტროლის საკავშირო ინსპექციისა და „საქკონსერვტრესტის“ ყოფილ თავაჯცს, ტექნიკის მეცნიერებათა დოქტორს, დიდებულ მამულიშვილსა და უკეთილშობილეს პიროვნებას, ბატონ

თამაზ ყაჭვიშვილს

ერთი ჟურნალისტის ფანტაზიაზე აგებული პრესტიჟული ჟურნალი

გერმანული ჟურნალის Spiegel-ის ჟურნალისტი კლას რელიციუსმა აღიარა, რომ 7 წლის განმავლობაში ფაქტებს ამხინჯებდა და თავისი სტატიებისთვის ისტორიებს თვინვებდა.

Spiegel-ის ინფორმაციით, ჟურნალისტი არაკეთილსინდისიერებაში დაეჭვდა მისი კოლეგა ხუან მორენო მას შემდეგ, რაც გამოქვეყნდა მათი ერთობლივი სტატია „მონადირის საზღვარი“ (Jaegers Grenze), მორენომ თავისი ეჭვების შესახებ გამოცემის ხელმძღვანელობას აცნობა.

როგორც გაირკვა, რეპორტიორი შეგნებულად იგონებდა ტექსტების უდიდეს ნაწილს არა მხოლოდ სტატიაში „მონადირის საზღვარი“, სადაც საუბარი იყო მექსიკა-აშშ-ის საზღვრის პატრულირებაზე, არამედ სხვა უამრავ პუბლიკაციაშიც. 2011 წლიდან რელიციუსმა დაწერა 60 სტატია, რომლებშიც Spiegel-ში დაიბეჭდა. რეპორტიორის თქმით, სულ მცირე 14 სტატიაში მანაც სხვადასხვა ფორმით, ფაბრიკაციას მიმართავდა. უფრო მეტიც, რელიციუსს არაერთგზის აქვს მიღებული ჯილდოები: ის CNN-ის ვერსიით, არაერთხელ გახდა წლის ჟურნალისტი და ხშირად ხვდებოდა Forbes-ის რეიტინგშიც. Spiegel-ის ხელმძღვანელობა სპეციალური კომისიის შექმნას აპირებს, რომელიც შეისწავლის ჟურნალისტის სტატიებს ფაქტების ფალსიფიკაციის საფუძველზე.



ძილი - კი ბატონო, მაგრამ რამდენი?

სხვადასხვა ქვეყნის ექიმებმა, რომლებიც საბოლოო ანგარიშით მილიონზე მეტი პაციენტის ჯანმრთელობის მდგომარეობას აკვირდებოდნენ, ძილთან დაკავშირებით გარკვეულ კანონზომიერებას მიაგნეს. აღმოაჩნდა, რომ 6 საათზე ნაკლები დროის დამის ძილი გულის დაავადებებისა და ინსულტის რისკს 11 პროცენტით ზრდის, 8 საათზე მეტხანს ძილი კი - 33 პროცენტით. მეტიც: დაგროვდა იმის მრავალი სარწმუნო ფაქტი, რომ ზედმეტი ძილი მავნე არა მარტო ჯანმრთელობისთვის, არამედ ფსიქიკისთვისაც. აქედან გამომდინარე, მედიკოსებმა გამოიტანეს დასკვნა, რომ ზრდასრული ადამიანისთვის დღე-ღამეში ძილის ოპტიმალური ოდენობა 6-დან 8 საათამდე უნდა იყოს.

თუმცა კი სწავლულები იმასაც განმარტავენ, რომ ძილის მოთხოვნილება ყველა ადამიანს განსხვავებული აქვს, ამიტომ თითოეულმა ჩვენგანმა ორიენტაცია საკუთარ მდგომარეობაზე და შეგრძნებებზე უნდა იქონიოს და ექიმთა „გასაშუალებაც“ მონაცემებს ყურადღება ნაკლებად უნდა მიაქციოს.



სანტა ლეაინის გარემო მოგზაურობს

სანტა კლაუსმა ტრადიციული საშობაო მოგზაურობა დაიწყო. მისი ყოველწლიური მოგზაურობა დედამიწის გარშემო ლაბლანდიის ქალაქ როვანიემიდან იწყება.

სანტას ტრანსპორტი მარხილია, რომელშიც 9 ირემია შებმული. კონკრეტულად კი 8 ხარირემი და 1 ფურირემი. მათი სახელებია დეშერი, დანსერი, პრენსერი, კუბიდონი, კომეტი, ტანდერი, ბლიტცენი, ვიქსენი და რუდოლფ ნითელცხვირა.

დელოვალის შობას ნორფოლკში გაატარებს


დიდი ბრიტანეთისა და ჩრდილოეთ ირლანდიის გაერთიანებული სამეფოს დელოვალის ელიზაბეთ მეორე შობას ტრადიციულად ნორფოლკის საგრაფოში, ინგლისის აღმოსავლეთ ნაწილში შეხვდება. დელოვალის ნორფოლკში ტრადიციულად მატარებლით გაემგზავრა. უცნობია, სამეფო ოჯახიდან ვინ შეხვდება შობას დელოვალთან ერთად.

გასულ კვირას გავრცელდა ინფორმაცია, რომ პრინცი ჰარი და მისი მეუღლე მეგან მარკლი ნორფოლკის საგრაფოში ტრადიციულ საშობაო დღესასწაულს პრინცი უილიამთან და ქეით მიდლტონთან ერთად არ შეხვდებიან და საშობაო არდადეგებს მათთან ერთად არ გაატარებენ.



NETFLIX-ი შერლოკ ჰოლმსის შესახებ სერიალს გადაიღებს

„ნეტფლიქსი“ არტურ კონან დოილის ნაწარმოებების მიხედვით დეტექტივ შერლოკ ჰოლმსის შესახებ სერიალს გადაიღებს.



სერიალის სიუჟეტი იქნება არა გამოძიებისა და დეტექტივის შესახებ, არამედ ქუჩის ბავშვებზე ლონდონის ქუჩებში, რომლებიც შერლოკ ჰოლმსს აბარებენ ანგარიშს ქუჩაში მიმდინარე მოვლენების შესახებ. სიუჟეტის თანახმად შერლოკ ჰოლმსი პერიოდულად სთხოვს ბავშვებს დახმარებას და ამ ბავშვებს ქუჩაში „ჰოლმსის თვლები“ ჰქვიათ.

სცენარი სერიალისთვის ტომ ბიდველს ეკუთვნის, რომელმაც ცოტა ხნის წინ დაასრულა მუშაობა „ყველაზე საშიში მოგზაურობის“ ეკრანიზაციის სცენარზე. სერიალის სამსახიობო შემადგენლობა და ეკრანზე გამოსვლის თარიღი უცნობია.

საქართველოს რესპუბლიკა
SAKARTVELOS REPUBLIKA
კოსტავას ქ. №21

მთავარი რედაქტორი
სპარტაკ ჟოგუაძე
299-02-10
599 36-00-35
პასუხისმგებელი რედაქტორები:
გურამ გომიაშვილი
599 53-76-16;
ალეკო
ასლანიშვილი
599 56-81-86;
პასუხისმგებელი მდივანი
მამუკა ვაშაქიძე
514 33-33-24

გამომცემლობა:
შპს „თანადგომა“-გაზეთ
„საქართველოს რესპუბლიკის“
გამომცემელი“
ტ: 599 79-76-79
შპს „ახალი საუკუნე –
გაზეთ „საქართველოს
რესპუბლიკის“
გამომცემელი“
იბეჭდება გამომცემლობა
„ქოლორ პრესში“
რკინიგზის ჩიხი №20

uac(უაკ)070.4(479.22)
ს-323
ISSN 2233-3851
9 772233 385001

ავტორთა
საყურადღებოდ!
რედაქციის მიერ
შეუკვეთავი მასალები
დაიბეჭდება ავტორ-
თა ხარჯით.
ავტორთა მოსაზრებები,
შეხატვა, მუდამ
არ ემთხვეოდეს
რედაქციის პოზიციას.
ფაქტების სიზუსტეზე
პასუხს აბეზან
ავტორები.

„საქართველოს
რესპუბლიკა“
შენი გავითია,
აუსილავლად
გამოიწერე,
წაიკითხე,
ისიამოვნე!



უხსოვრი პალატის ქარსი:
აშუ ფონარი - 2.6627; პირი - 3.0405;
ბრიტანული ბიკანა სტარლინი - 3.3730
100 რუბლი - 3.8939; თურქული ლირა - 0.4993;
ახარბაიჯანული მანათი - 1.5665;
1000 სომხური დრამი - 5.4958.

აქინდი 25 დეკემბრისთვის
აღმოსავლეთი საქართველო:
ბარა - ლაშ -3, ლაშ +9
მთიანი რაიონები - ლაშ -7, ლაშ +6
დასავლეთი საქართველო:
ბარა - ლაშ +2, ლაშ +15
მთიანი რაიონები - ლაშ -5, ლაშ +10
თბილისი: ლაშ +1, ლაშ +8

დაავიკავით, მოგვწერით:
ტელ: 299-02-10,
599-79-76-79
ელ. ფოსტა: sakresp@mail.ru
და sakresp@top.ge